



Kekasih terlanjur bertunang

SOALAN

SAYA menjalin hubungan dengan teman wanita selama tiga tahun dan setiap kali berjumpa kami akan terlanjur.

Dua bulan lalu, hubungan kami terpaksa diputuskan kerana dia dijodohkan dengan pilihan keluarganya.

Saya kecewa kerana keluarganya mengetahui hubungan kami.

Sehingga kini, walaupun dia sudah menjadi tunangan orang, kami tetap saling mencintai.

Dr apa yang seharusnya saya lakukan? Adakah saya patut berterus terang dengan keluarganya dan menceritakan keterlanjuran kami?

Saya berharap agar Dr dapat membantu saya dalam menyelesaikan masalah ini.

Jejaka sedih,
BAGAN SERAI

JAWAPAN

‘CINTA itu adalah apa yang dingin. Sesiapa yang mendekatinya tidak akan terbakar, tetapi tertangkap di dalamnya.’

Begitulah adik. Adik tidak terbakar, tetapi terperangkap dalam percintaan.

Adik kini mengalami konflik akibat kekasih bakal dimiliki orang lain.

Jika adik benar-benar serius untuk memperisterikan kekasih, berterus teranglah dengan keluarganya mengenai perhubungan kalian berdua terutama keterlanjuran yang berlaku.

Securang-kurangnya dengan tindakan itu, ia dapat memberi ruang kepada keluarga kekasih adik untuk membuat



INTIM... pergaulan bebas tanpa batasan boleh menjerumuskan diri ke lembah kemaksiatan.

keputusan siapa lelaki terbaik untuk anak mereka.

Namun, andai mereka tetap tidak menerima adik, anggaplah kalian berdua tidak ada jodoh dan doakanlah kesejahteraannya.

Pepatah ada mengatakan 'cinta sejati adalah ketika dia mencintai orang lain

dan kamu masih mampu tersenyum, sambil berkata: "Aku turut bahagia untukmu."

Jika adik benar-benar mencintainya, sentiasalah mendoakannya walaupun dia tiada di sisi. Cinta juga adalah keabadian dan kenangan terindah pernah dialami.